



**Republika e Kosovë
Komuna e Drenasit
Kuvendi i Komunës**



12 Nr. 060/01-32229 dt. 14/08/ 2020

PROCESVERBALI

**I mbledhjes së Komitetit për Politikë dhe Financa të mbajtur më dt. 24.07.2020, ora 10:00.
Mbledhjen e kryesoi Labinot Halilaj-Kryesues.**

Kryesuesi deklaroi të hapura punimet e mbledhjes të Komitetit për politikë dhe financa ku të pranishëm ishin anëtarët e Komitetit për Politikë dhe Financa: Kryesuesi i Komunës Labinot Halilaj, Gani Podrimqaku, Florentina Elezi, Fitore Morina, Edolina Plakiqi, Burim Bujupi. Prezent gjatë mbledhjes së Komitetit për Politikë dhe Financa ishin: Kryetari i Komunës Ramiz Lladrovci, shefi i Kabinetit të Kryetarit Flamur Curri, Drejtori për Buxhet dhe financa Shyqyri Bublaku, Drejtori për Gjeodezi Kadastër dhe Pronë Ruzhdi Lestrani, Drejtoresha për Planifikim Urban dhe Mbrojtje të Mjedisit Flutura Avdiu.

Komiteti filloi punimet më këtë:

Rend dite:

1. Procesverbali i mbledhjes së Komitetit për Politikë dhe Financa të dt. 22.06.2020.
2. Propozim Vendim për shpalljen e Lokalitetit të Boshtres (FORSYTHIA EUROPEA) në zonën e Goleshit- Fshatin Sankoc në Kategorinë- Monument i Natyrës, (e plotësuar).
3. Propozim Vendim për miratimin e Planit Zhvillimor Komunal të Gllogocit 2020-2028, (e plotësuar).
4. Njoftim rreth përfundimit të kontratës së shfrytëzuesit të pronës së paluajtshme të Komunës së Drenasit
5. Propozim Vendim për definimin dhe parcelizimin e të gjitha varrezave të cilat ndodhen në prona komunale në Komunën e Drenasit .
6. Propozim Vendim për ndryshimin dhe plotësimin e Vendimit nr.12-353-22880, të datës 29.06.2020 për caktimin e lokacioneve për ndërtimin e dy fushave sportive, në pronën komunale, në zonën kadastrale në Abri e Epërme dhe në zonën kadastrave në Zabel i Epërm.
7. Propozim Vendim për këmbimin e parcelave në zonën kadastrave në Baicë.
8. Propozim Vendim për lirim nga qiraja joprofitabile për familjet përfituese të shfrytëzimit të përkohshëm të banimit social në Bllokun I dhe II në Drenasin III për vitin 2020.

9. Propozim Vendim për caktimin e Lokacioneve për ndërtimin modernizimin dhe kompletimin e infrastrukturës përcjellëse të studionit të qytetit "Rexhep Rexhepi" në Poklek të Ri.
10. Propozim Vendim për caktimin e Lokacionit për realizimin e Projektit për ndërtimin e Çerdhes në Komoran.
11. Propozim Vendim për shpalljen e interesit të përgjithshëm Publik për kthimin e pronave të cilat janë nën menaxhimin e AKP-së, në zonat Kadastrale : Qikatovë e Re, Terstenik, Poklek , Korroticë e Poshtme, Zabel i Poshtëm, Komoran dhe Sankoc.
12. Raporti Financiar i Zhvillimit të Buxhetit Janar Qershor 2020.
13. Të ndryshme.

Kryesuesi i Kuvendit, Labinot Halilaj-hapi mbledhjen e KPF-ca, pasi përshëndeti të pranishmit, prezantoi rendin e ditës, i njoftoi anëtarët e KPF-ca se kemi edhe një pika shtesë për rendin e ditës: 1.Raporti Financiar i Zhvillimit të Buxhetit Janar Qershor 2020.

Kryetari i Komunës Ramiz Lladrovci-unë besoi që sot ose të hënën na vjen ligjshmëria për parcelizimin e pronave që i kemi pas dhe ne vetëm e dërgojmë në kuvend për me miratua për me bërë shpalljen për pronat që kemi me i dhënë me qira.

Burim Bujupi-para se me kalu të pikat e rendit të ditës,ditën që isha me marr materialin raporti financiar që e kemi sot nuk e kemi pas mirëpo kërkova nga sekretaria me ma dërgua ne imell private,nëse ka mundësi me ja leju për me na dërgu edhe ne imella private kur nuk na bënë imella zyrtare.

Pasi nuk pati diskutime tjera Kryesuesi i Kuvendit Komunal Labinot Halilaj- hodhi në votim rëndin e ditës së bashku me një pikë shtesë, prezent gjatë votimit ishin 7 anëtarë:

Për votuan 5 anëtar

Kundër nuk pati.

Abstenim nuk pati.

Kryesuesi i Kuvendit Komunal Labinot Halilaj- hapi diskutimin për pikën e parë të rendit të ditës: 1. Procesverbali i mbledhjes së rregullt të Kuvendit Komunal të dt. 22.06.2020.

Pasi nuk pati diskutime Kryesuesi i Kuvendit Labinot Halilaj - hodhi në votim pikën e parë të rëndit e ditës prezent gjatë votimit ishin 6 anëtarë: kjo pikë e rendit të ditës u votua në mënyrë unanime.

Kryesuesi i Kuvendit Komunal Labinot Halilaj- hapi diskutimin për pikën dytë të rendit të ditës: 2. Propozim Vendim për shpalljen e Lokalitetit të Boshtres (FORSYTHIA EUROPEA) në zonën e Goleshit- Fshatin Sankoc në Kategorinë- Monument i Natyrës, (e plotësuar).

Kryetari i Komunës Ramiz Lladrovci -vetëm desha me cek që këtu janë dy ose tri pika për disa defekte te vogla që ne kemi me i rregulla dhe me i dërgua edhe një here në Kuvend.

3 të përcaktohet në bazë të ligjit mbrojtje të natyrës regjimi mbrojtës me parametra, diçka tjetër nuk ka pasur. Sa i përket Planit Zhvillimor Komunal pas vlershmit të Ministrisë së Ekonomisë dhe Ambientit ka kërkuar që në nenin tre të ceket që plani zhvillimor komunal i Glllogocit të ceket se është hartuar nga drejtoria përkatëse për planifikim urban dhe mbrojtje të mjedisit në koordinim me drejtorit sektoriale dhe burimet njerëzore brenda Komunës për arsyes se në vendimin paraprak ka qenë e cekur që kompania do me thënë GIZI Gjerman dhe kompania hartues dhe kane vlerësuar që nuk është në harmoni me ligjin për planifikim hapësinor nga se ligji përcakton vetëm organin institucionin dhe koordinimin me drejtorit sektoriale këto kanë qene për këto arsye i kemi plotësua dhe shpresoj që të na kthehet konfirmimi i ligjshmërisë

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend, me plotësime, ndryshime prezent gjatë votimit ish-in 6 anëtar:

Për votuan 6 anëtar.

Kundër nuk pati.

Abstenim nuk pati.

Kryesuesi i Kuvendit Komunal Labinot Halilaj-hapi për diskutim pikën e 4. Njoftim rreth përfundimit të kontratës së shfrytëzuesit të pronës së paluajtshme të Komunës së Drenasit

Drejtori për Gjeodezi Kadaster dhe Pronë Ruzhdi Lestrani-Të ndëruar anëtarë të Komitetit të Komunës së Drenasit. Duke pasur për bazë Ligjin Nr. 06/L-092 për Dhënien në Shfrytëzim dhe Këmbimin e Pronës së Paluajtshme të Komunës, respektivisht nenin 23 paragrafin 1 dhe 2, ju njoftoj si në vijim:

Komuna e Drenasit gjatë viteve paraprake ka lidhur disa kontrata për dhënien në shfrytëzim të pronës së paluajtshme të Komunës, të cilave kontrata ju ka skaduar afati i shfrytëzimit, andaj ashtu siç me obligon legjislacioni në fuqi po ju njoftoj me atë pronë:

Kontrata e lidhur me datë 25/03/2009, me nr .955-1922, me sipërfaqe 0.20.00 ha, e cila është pjesë e ngastrës nr. 244/4, në Zonën Kadastrale në Komoran, ka skaduar me datë 25.03.2019, ku shfrytëzues i përkohshëm (10 vite) ka qenë Kastriot Xheladin Gashi nga Komorani. Duke mos pasur asnjë mundësi të vazhdimit të tyre, sepse një gjë të tillë e ndalon neni 23 paragrafi 1 i Ligjit Nr .06/L-092 për Dhënien në Shfrytëzim dhe Këmbimin e Pronës së Paluajtshme të Komunës, i cili thotë: Pas përfundimit të afatit të përcaktuar në kontratën për dhënien në shfrytëzim të pronës së paluajtshme të komunës, prona i kthehet komunës, në këtë formë duke mos lejuar asnjë vazhdim të asnjë kontrate, pa marr parasysh investimet e bëra nga personat që e kanë pasur në shfrytëzim pronën e paluajtshme komunale. Andaj, prona e lartcekur, edhe në bazë të listës së veçantë, ashtu siç e parasheh neni 13 paragrafi 1 i Ligjit Nr. 06/L-092 për Dhënien në Shfrytëzim dhe Këmbimin e Pronës së Paluajtshme të Komunës, nuk është paraparë që të ipet në shfrytëzim për këtë vit, po ashtu kjo parcelë do të vlerësohet nga ana e Komunës së Drenasit, se e njëjta a do të ipet në shfrytëzim apo do të shfrytëzohet për interesat e Komunës së Drenasit, gjithnjë në përputhje me planin zhvillimor ekonomik të Komunës sonë. Ju faleminderit!

Kryesuesi i Kuvendit Komunal Labinot Halilaj-hapi për diskutim pikën e 5 të rendit të ditës 5. Propozim Vendim për definimin dhe parcelizimin e të gjitha varrezave të cilat ndodhen në prona komunale në Komunën e Drenasit .

Drejtori për Gjeodezi Kadaster dhe Pronë Ruzhdi Lestrani-Propozim Vendim për definimin dhe parcelizimin e të gjitha varrezave të cilat ndodhen në prona komunale në Komunën e Drenasit. Duke pasur parasysh nevojat e mëdha dhe kërkesat për mirë mbajtjen dhe renovimin e rrethojave të varrezave në Komunën e Drenasit, Drejtoria e Shërbimeve, Publike dhe Emergjencë me kërkesën nr.13-942/06-23603 të datës 02.07.2020 I është drejtuar Drejtorisë për Gjeodezi, Kadaster dhe Pronë për definimin dhe parcelizimin e parcelave ku janë të vendosura varrezat, në pronat komunale. Drejtoria për Gjeodezi, Kadaster dhe Pronë, pas miratimit të këtij propozim – vendimit është e gatshme që të bëjë të gjitha procedurat e nevojshme gjeodezike, kadastrale dhe pronësore.

Burim Bujupi-ky është një propozim I mirë që ka ardh ka pas edhe kërkesa prej banore se kanë pas dëshirë me bërë këtë punë edhe me herët parcelizimin e të gjitha pronave, varrezave me dit definitivisht kujt mbet kufijtë a ka pas kërkesa të tjera edhe çka ndodhe më varrezat që nuk janë prona komunale por janë prona private dhe a duhet komuna me ndërmarr ndonjë hap për me I kthyer në prona shoqërore me këmbim ose diçka tjetër

Drejtori për Gjeodezi Kadaster dhe Pronë Ruzhdi Lestrani- procedurat e këmbimit janë procedura tjera,po ato janë varreza aktuale pronarët i kanë leshu ato atëherë me kohë,varrezat private janë të lëshuara me mirëkuptim nga qytetaret,por është e përcaktuar me ligj sa ki drejt me ndryshuar ti destinimin e varrezave sa i përket këmbimit ose shpronësimit të tyre ne nuk kemi mjete varrezat mbesin varreza.

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend,edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj-hapi për diskutim pikën e 6. Propozim Vendim për ndryshimin dhe plotësimin e Vendimit nr. 12-353-22880,të datës 29.06.2020 për caktimin e lokacioneve për ndërtimin e dy fushave sportive, në pronën komunale, në zonën kadastrale në Abri e Epërme dhe në zonën kadastrale në Zabel i Epërm. Tek kjo pike është një lëshim teknik.

Drejtori për Gjeodezi Kadaster dhe Pronë Ruzhdi Lestrani- siç e cekti edhe kryesuesi tek kjo pike është një plotësim ndryshim i vendimit paraprak i cili është votuar me herët ne mbledhjen e dt 29.06 .2020 në pikën dy është bërë një lëshim teknik në zonën kadastrale ne Abri të Epërm

Kryetari i Komunës Ramiz Lladrovci-gabimisht e kanë shtinë në atë pjesën ku është ne atë pjesën e parcelës që ka një prapështi të madhe,po tani e kanë kthyer në rrafsh,ky është ai ndryshimi .

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend,edhe kjo pikë votohet.

Për votuan 6 anëtar.

Kundër nuk pati.

Abstenim nuk pati.

Kryesuesi i Kuvendit Komunal Labinot Halilaj-hapi për diskutim pikën e shatë. Propozim Vendim për këmbimin e parcelave në zonën kadastrale në Baicë.

Drejtori për Gjeodezi Kadaster dhe Pronë Ruzhdi Lestrani-Propozim Vendim për këmbimin e parcelave në zonën kadastrave në Baicë.

Propozimi për këmbimin e këtyre parcelave është bërë me qëllim të realizimit të interesit publik të Komunës së Drenasit për projektin e funksionalizimit infrastrukturor, për rregullimin dhe asfaltimin e kësaj rruge, si dhe për realizimin e planeve zhvillimore të komunës.

Pronari i parcelës nr. 896-0, Ajet Tafë Kiqina me anë të kërkesës nr. 07-070/7611 datë 10.02.2020 i është drejtuar Drejtorisë për Gjeodezi, Kadaster dhe Pronë ku ka kërkuar që në marrëveshje me Kryetarin e Komunës të bëhet ky këmbim parcelash.

Këmbimet e këtyre parcelave janë të domosdoshme për banorët e kësaj ane, që të bëhet rregullimi i rrugës sipas standardeve infrastrukturorë, dhe planeve zhvillimore të Komunës së Drenasit. Faktikisht rruga të cilën e shfrytëzojnë banorët në përditshmëri kalon nëpër pronën private përkatësisht nëpër parcelën nr. 896-0, pronë private e Ajet Kiqinës, andaj është shumë e arsyeshme që të bëhet këmbimi i këtyre parcelave.

Këmbimi do të bëhet në atë mënyrë ku nga parcela nr. 896-0 pronë private e Ajet Kiqinës këmbëhet sipërfaqja e përgjithshme prej S=736 m², dhe nga parcela nr. 01709-0 pronë komunale po ashtu do ti këmbëhet sipërfaqja e njëjtë prej S=736 m².

Ekipi profesional i Drejtorisë për Gjeodezi, Kadaster dhe Pronë ka dalë në vend shikim dhe ka bërë inçizimin e pjesës së ngastrave kadastrale të shënuara më lartë të cilat do të këmbëhen, e për të cilat pjesë janë nxjerrë edhe skicat grafike dhe certifikatat mbi të drejtat e pronës.

Kryetari i Komunës Ramiz Lladrovci- kjo rrugë është ndërtua para qeverisjes tone, për mos me leju me na padit dhe me na marr shumën të mëdha për pronat siç ka ndodhë në Tërstenik nuk e kanë bërë rrugën ka qene publike dhe për një ari 28.000 € i ka marr përmbaruesi, në rastin pronari ka pranuar ne e kemi drejt si komune me ndërrua parcelat tona me sipërfaqe të njëjtë kur është në interes të komunës, pra ne kemi interes edhe për këtë arsye është kërkuar me bërë plotësim ndryshim.

Edolina Plakiqi- vetëm desha me pyet për këtë rrugën a ka u lidh me lagjen topalli apo me cilën pjesë e rrugës është me saktësisht në Baicë .

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend, edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj-hapi për diskutim pikën e 8. Propozim Vendim për lirim nga qiraja joprofitabile për familjet përfutuese të shfrytëzimit të përkohshëm të banimit social në Bllokun I dhe II në Drenasin III për vitin 2020.

Drejtori i Shëndetësisë dhe Mirëqenies Sociale Arsim Haxhiu - Propozim Vendim për lirim nga qiraja joprofitabile për familjet përfutuese të shfrytëzimit të përkohshëm të banimit social në Bllokun I dhe II në Drenasin III për vitin 2020. Duke pasur parasysh situatën e krijuar pas shfaqjes së virusit COVID-19, vendimit Nr. 01/11, të datës 15.03.2020, për shpalljen e emergjencës për shëndetin publik, Vendimeve dhe Urdhërave të Ministrive përkatëse lidhur me masat për parandalimin e virusit, rekomandimeve të Institutit Kombëtar të Shëndetit Publik (IKSH) dhe Organizatës Botërore të Shëndetësisë (OBSh) për ndërmarrjen e masave për parandalimin e pandemisë, kërkohet lrimi nga pagesa e qirasë joprofitabile për të gjitha familjet përfutuese të

shfrytëzimit të Banimit të Përkohshëm Social në Bllokun I dhe II, në Drenasin III për vitin 2020, familje këto të përfshira në vendimin 12 Nr. 360-68569 të datës 29.11.2019 të Kuvendit Komunal të Komunës së Drenasit.

Ky propozim drejtohet duke pasur parasysh gjendjen sociale- shëndetësore të këtyre familjeve, si dhe vështirësitë ekonomiko- financiare të shkaktuara në këtë gjendje të pandemisë.

Burim Bujupi-a lirohen prej qiraje gjatë tërë vit apo vetëm prej muajit të ardhshëm kur të merret vendimi në Kuvend, normal që pajtohem edhe shumë mirë që ka ardh si pikë.

Kryesuesi i Kuvendit Komunal Labinot Halilaj - i ftoj të votojnë për rekomandim për kuvend, edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj - hapi për diskutim pikën e 9. Propozim Vendim për caktimin e Lokacioneve për ndërtimin modernizimin dhe kompletimin e infrastrukturës përcjellëse të studionit të qytetit "Rexhep Rexhepi" në Poklek të Ri.

Drejtori për Gjeodezi Kadaster dhe Pronë Ruzhdi Lestrani- Punimet në Stadiumin e qytetit janë duke vazhduar sipas planit dinamik, dhe tani punimet e fazës së dytë janë në përfundim e sipër, prandaj mbase përfundimit të kësaj faze të punimeve është e paraparë faza e tretë e punimeve për zgjerimin dhe implementimin e infrastrukturës përcjellëse të Stadiumit, andaj për tu kryer punët sipas standardeve të kërkuara është e domosdoshme të miratohet ky vendim dhe të caktohen lokacionet e shënuar më lartë. Po ashtu edhe Drejtoria për Kulturë, Rini dhe Sport e Komunës së Drenasit me anë të kërkesës nr. 10-942/05-26151, të datës 17.07.2020, i është drejtuar Drejtorisë për Gjeodezi, Kadaster dhe Pronë, të inicioj procedurat për caktimin e lokacioneve në pronat komunale për realizimin e projektit të ndërtimit të infrastrukturës përcjellëse të Stadionit të qytetit "Rexhep Rexhepi" në Poklekt të Ri. Drejtorati për Gjeodezi, Kadaster dhe Pronë ka caktuar ekipin profesional i cili ka përcaktuar dhe ka bërë matjet gjeodezike të lokacioneve për Stadionin e qytetit. Pjesë përbërëse e këtij propozim-vendimi janë edhe Çertifikatat mbi të drejtat e pronës dhe kopjet e planit për ku do bëhen caktimet e lokacioneve.

Kryetari i Komunës Ramiz Lladrovci-një here e kemi shpronësuar satdiumin po tani na duhet edhe një pronë 14 ari, një pjesë tjetër është të shkolla, po ashtu edhe tek halla e sporteve që prona është e komunës me sipërfaqe 80 ari, përpos këtyre ne duhet me gjet edhe prona tjera, për me na leju stadimun në kategorinë e katërt për me mund me luajtur ndeshjet ndërkombëtare deri ne 1.50 km na lejohet me qene parkingu larg stadiumit , edhe parkingje e komunës hynë me ato te stadiumit

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend, edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj-hapi për diskutim pikën 10. Propozim Vendim për caktimin e Lokacionit për realizimin e Projektit për ndërtimin e Çerdhes në Komoran.

Drejtori për Gjeodezi Kadaster dhe Pronë Ruzhdi Lestrani-Sipas kërkesës së Drejtorisë së Arsmi, nr.09-35/1-26261, të datës 17.07.2020, punimet për ndërtimin e çerdhes në Komoran pritet të fillojnë shumë shpejt, andaj për tu kryer punët sipas standardeve të kërkuara është e domosdoshme të miratohet ky vendim dhe të caktohet lokacioni i shënuar më lartë, për arsye të realizimit të projektit për ndërtimin e çerdhes në Komoran. Drejtorati për Gjeodezi, Kadaster dhe Pronë ka caktuar ekipin profesional i cili ka përcaktuar dhe ka bërë matjet gjeodezike të lokacionit

për ndërtimin e çerdhes në Komoran, sipas kërkesës së njësisë kërkuese Drejtorisë së Arsimit. Pjesë përbërse e këtijë propozim-vendimi janë edhe Çertifikatat mbi të drejtat e pronës dhe kopjet e planit për ku do bëhet caktimi i lokacionit.

Burim Bujupi –ky propozim a po hin se bashku me këto propozimet tjera për me kaluar për kuvend apo vetem si njoftim e kemi.

Kryetari i Komunës Ramiz Lladrovci –ky propozim për shpronësim ose ndërrim prone nëse ne pajtohemi me i ndërruar pronat.

Burim Bujupi – a është i njoftuar pronari që komuna ka interes për me bërë shpronësimin e parcelës në fjalë që hyn për stadium edhe a ka kërkua diçka ai, në qoftë se është i njoftuar pse mos me vendos si pikë të rendit të ditës me rekomandua për kuvend edhe me vazhdua me procedurat tjera.

Kryetari i Komunës Ramiz Lladrovci - unë nuk e di a është i njoftuar, por unë e kisha rekomandua për kuvend.

Burim Bujupi –atëherë unë mendoj që të rekomandohet për kuvend dhe atje e diskutojmë.

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend, edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj-hapi për diskutim pikën 11. Propozim Vendim për shpalljen e interesit të përgjithshëm Publik për kthimin e pronave të cilat janë nën menaxhimin e AKP-së, në zonat Kadastrale : Qikatovë e Re, Terstenik, Poklek , Korroticë e Poshtme, Zabel i Poshtëm, Komoran dhe Sankoc.

Kryetari i Komunës Ramiz Lladrovci-ne jemi detyruar me kërkuar nga AKP-ja dhe qeveria me na jep, ose me na shit nëse nuk ka rrugë tjetër sepse komuna përfiton, prandaj i kemi propozua disa prona siç është stadiumi që ka me filluar me u ndërtuar në Komoran, kështu që ata kanë kërkuar nga ne që të shpallim interesin e përgjithshëm jo vetëm ne por për të gjitha komunat është bërë kjo.

Kryesuesi i Kuvendit Komunal Labinot Halilaj- i ftoj të votojnë për rekomandim për kuvend, edhe kjo pikë votohet në mënyrë unanime.

Kryesuesi i Kuvendit Komunal Labinot Halilaj rekomandon për kuvend Raporti Financiar i Zhvillimit të Buxhetit Janar Qershor 2020 .

Kryesuesi i Kuvendit Komunal Labinot Halilaj- tek pika të ndryshme a ka ndonjë pyetje?

Burim Bujupi-në qoftesë ka mundësi kryetari me na treguar rreth situatës së pandemisë momentalisht si është gjendja në komunën e Drenasit, sepse ne fshatin tim Arllat ka pasur shumë persona të prekur me covid, dhe me kanë thirrur mu në telefon ,dhe a ka mundësi të paktën neve asambleistave me na informua për personat janë të prekur me covid nëse lejohet edhe me dit, për shkak se pa ka shumë njerëz të prekur edhe ne nuk po jemi të informuar jo vetëm na por edhe pjesa tjetër e shoqërisë dhe për këtë arsye shpërndarja po bëhet edhe me e madhe të paktën me dit edhe me lokalizua se ata po dalin po shëtisin edhe po i rrezikojnë edhe të tjerët, unë për një rast e kam thirr Arben Shalën edhe mu ka lajmëruar i kam treguar për personin në fjalë që është i infektuar dhe brenda orës i është bërë zgjidhja i janë dërguar ndihmat dhe me ka ardhur shumë mirë ,por si të ja bëjmë për një pjesë tjetër që punojnë në sektorin e ndërtimtarisë dhe nuk kanë të hyra mujore dhe kanë mbete shumë keq.

Kryetari i Komunës Ramiz Lladrovci-të hënën e kaluar ne kemi pas mbledhje të shtabit emergjent dhe me kërkesë të qeveris sepse pas lirimit të masave ne skemi ,pas pse me mbajt mbledhje meqenëse qytetaret kanë mund me lëviz,tani ne e kemi riakrivizu shtabin emergjent dhe qëndren operativ, dhe nën shtabet neper lokalitete tona kushdo që ka kërkuar ndihme të ne mënyrë zyrtare që ka qenë ai apo familja e tij ne i kemi ofruar ndihme i kemi dërguar mjeket dhe policin si dhe drejtori i shëndetësisë dr.Arsim Haxhiu ia ka bërë një vendim për vet izolim për 14 ditë,çdo dit shkon stafi shëndetësor dhe policia me verifikuar a janë njerëzit aty.

Burim Bujupi-faleminderit për sqarimin kryetar por një pjesë e madhe e qytetareve nuk kanë kartela qe marrin pagë mujore ,dhe porosia online për gjera ushqimore unë nuk e di që mundet me bërë nga ndonjë market , nëse din ti me trego,sepse nesër pas nesër edhe unë mundem me qenë i infektuar.

Pasi nuk pati diskutime, vërejtje apo sugjerime, kryesuesi i Kuvendit Komunal konsideroi si të mbyllur seancën.

Mbledhja përfundoj rreth orës: 11: 30 min.

Drenas 24.07.2020

Procesmbajtëse:


Fakete Hoti



Kryesuesi i Kuvendit


Labinot Halilaj